



Vat Maenzdoengzlingz



武宣县桐岭镇新龙小学五(4)班 蒙露

Ngoenzsinghiz banngaiz, gou ciep daengz vah mehgux, heuh daxboh bae gaiq naz Yajsanh vat maenz-doengzlingz.

Gwn ngaiz gvaq le, daxboh ra aen daehnaengngwz caeuq faggvak cug gwnz cimohdoz bae, dou song bohlgw couh hwnjdin lo.

Sam nyied rumz cifwdfwd, ci daengz gwnz naj cwxcaih dangqmaz! Mbouj geij nanz dou couh daeujdaengz naz Yajsanh lo, cijraen go maenz-doengzlingz miz mbangj mbaw gaeng roz lo, miz mbangj mbaw lij heu. Daxboh yungh gvak vat, gou couh daenj madfwngz saiq, gou laihnaeuz aen maenzdoengzlingz con ndaw namh bae laeg lai, byawz rox, saiq caengz namh mbang he couh raen maenz-

doengzlingz lo. Go maenzdoengzlingz he miz seiq haj aen, gyoengqde hausaksak, baizledled ninz youq geh namh. Maenzdoengzlingz miz hung miz iq, yienghceij mbouj doengz, miz mbangj lumj makhaijdangz luenzlulu, miz mbangj lumj aen gyaeggaeq nei. Vat le vat gou raen aen maenz-doengzlingz he lumj bouxvunz nei miz gyaauj, miz da, miz ndaeng, miz din, miz fwngz, gou gamjdaengz gig geizheih, couh yaengx hawj daxboh yawj, daxboh raen le riu dwk naeuz: "Aen maenzdoengzlingz neix ceiq giengienz lo, haengjdingh dwg ndaeknamh hung at gwnz ndang de hawj de doengh mbouj ndaej, hoeng de mbouj fugheiq, ra giz hoengq maj bae, seizgan nanz le, couh baenz

yienghceij neix lo." Daxboh lij gangj: "Maenzdoengzlingz mbouj lumj mak-dauz, maklaeh dawz gij mak ronghsien venj youq gwnz nga sangngau ndei yawj, hawj vunz raen le couh haenh mbouj dingz. Mwngz yawj go maenz-doengzlingz youq gwnz dieg daemq-detdet, caj mbaw henj roxnaeuz roz le, hix mbouj rox de roengz mbouj roengz aen, cijmiz vat hwnjdaej cij rox. Daxboh laebdaeb naeuz: "Aen maenz-doengzlingz cawz le miz yingzyangj gyaciz, lij hawj naengnoh bienq ndei: Dawz aen maenzdoengzlingz ronq baenz gep mbang nem youq gwnz naj naj ndaej bienq hau, caemhcaiq lij gemjnoix najnyaueq dem. Gwn maenz-doengzlingz lij yw ndaej dungxraeng, heuj in, haexgaz, hezyazsang..... Go

maenzdoengzlingz couh yienghneix youq lajnamh dinghdingh roengz aen cix mbouj gouz gijmaz.

Dingq gij vah daxboh le, gou naemj: Maenzdoengzlingz mbouj dwg lumj lauxsae dou ma? Lauxsae mbouj gouz mingzleih dawz cihsiz son hawj hagseng, son hagseng guh boux vunz doiq sevei, doiq guekgya miz yungh he. Dang hagseng miz cinbu roxnaeuz doiq guekgya miz yungh seiz, lauxsae cij dwg riunyumj mbouj ok sing mbouj ceng goenglauz, neix mbouj dwg gij cingsaenz maenz-doengzlingz ma?

Gou gyaaz gij vunz lumj maenzdoengzlingz vih bouxwnq guh saeh cix mbouj ok saek sing haenx.

(指导老师 覃瑜)

Seizcou daengz lo, suenmak najranz gou fungsou lo. Mak-bingzgoj nding' yanyan venj rim nyefaex, miz mbangj launyaenq ndoj youq raeb mbawfaex, miz mbangj daihfueng enj aen-dungxbongq de okdaej, lij miz mbangj caeuq gyoengq beix-nuengx caenx youq doxcaez, vuenyungz dwk riunyumnyum. Makndae henjrwg lumj aen heiqgiuz iq nei, rumz baez ci, mbouj dingz bi dwk, lumj dwg ceng naeuz: "Vaiq daej mbat gou, gou ceiq van!" Ceiq yinx vunz haenx dwg maksanhcah, daj giz gyaey yawj bae, gwnz gomak lumj baenz aen baenz aen giuzfeiz iq dawzfeiz nei, yawjraen gij maksanhcah ndingfoedfoed neix, gou couh siengj hwnj gij feihdauh diengzhuzluz, sikhaek couh myaiz rih roengzdaej. Gomak mbiengj haenx ne, dwg maksigloux riu dwk bak ajrabrab haenx, mwngz yawj de cingq

Suenmak Ranz Gou Fungsou Lo

我家果园丰收了

ngaek gyaauj coh gou ne!


Gou dawz aen doengj iq he bae ndaw suenmak mbaet mak, gou ceiq siengj mbaet makndae, aenvih go makndae neix dwg daxgoeng ndaem. Mwh gou ngamq ndaej song bi, daxgoeng daj ranzcoj senj miuzmak daej, ndaem youq najranz, de naeuz mak neix dwg mak ranzcoj, daiq miz gij namh ranzcoj. Moix bi cungj dwg gou rwed raemx dwk bwnh hawj go makndae neix, ndigah dawz mak daegbied lai, daegbied hung, mak cug le gou couh baen hawj ranznden gwn.

Maksanhcah cug le, miz mbangj baez bungq couh loenq roengzdaej, cug gvaqbouh le couh gag loenq roengzdaej. Gij-

neix couh hawj duzmoed, duz-roeg doenghgiy doenghduz haenx gwn ba!

Suenmak fungsou lo, daih-gya cungj ndaej gwn, geijlai vuenyungz ha!

(sam nienzgaep Lij Cauwnh)



Gou Guh Ndaej

我能行



Mboujguenj youq ndaw hagsib, roxnaeuz youq ndaw bingzeiz gwndaenj, bungz daengz dwgrengz, gou cungj dwg doiq swheij naeuz: "Gou guh ndaej!"

Miz baez ndeu, gou caeuq daxboh daxmeh bae bin bya, lohbya gig lingq, hoeng byaij baema engq dwgrengz, gou youq ndawsim gag doiq swheij naeuz: "Gou guh ndaej." Yienghneix gou caeuq daxboh daxmeh doxcaez bin hwnj dingjbya bae lo.

Mwh lienh diuqcag, gou gig nanz diuq gvaqbae, miz seiz gou cungj yaek ciedmuengh lo. Hoeng gou moix baez siengj hwnj "gou guh ndaej" coenz vah neix seiz, gou youh dauq miz saenqsim lo. Yiengjneix, gou mbouj mbwq mbouj lau dwgrengz, baez youh

baez bae hag, doeklaeng hag rox diuqcag lo, mwhde gou cungj baeg ndaej hanh lae hanh roenx lo, hoeng gou gig angq, aenvih gou hag rox diuqcag lo.

Mwh youq hagdangz cizyiz, miz baez ndeu, boux doengzhag caeuq gou cizyiz haenx doiq gou naeuz: "Gyaj Swjbanh, raeuz bae vuenh raemx ba!" Gou dingq de gangj le, miz di yaemhywx, hoeng siengj daengz "gou guh ndaej" coenz vah neix seiz, gou youh dauq miz saenqsim, bae vuenh raemx lo.

Gou gyaaz "gou guh ndaej" coenz vah neix, youq mwh gou saet bae saenqsim, coenz vah neix cungj dwg bang gou hoizfuk saenqsim, ndigah gou gyaaz coenz vah neix.

(sam nienzgaep Gyaj Swjbanh)



"Gingheij" Bengzsaeng

好贵的“惊喜”

Miz ngoenz ndeu, daxmeh okbae lo, gou gag youq ranz yawj densi.

Sawqmwh, ndaw densi cezmuuz naeuz: "Cingj siujbaengzyoux dawz dienhvah hwnj bued aen haumaj 168331xx, sikhaek miz gingheij bw!" Gingheij dwg gijmaz ne? Dwg mbouj dwg soengq laex? Gou dawz dienhvah hwnj bued doeng dienhvah le, ndaw dienhvah dwg gangj aengoj muihung muingeih. Gou dingq geij faencung le, mbouj dingq ndaej ok miz gijmaz gingheij. Gou mbouj fug, youh dwk cibgeij baez, dingq daengz haenx cungj dwg gojgaeq.

"Daxmeh, ngoenzcog gou aiq sou daengz aen gingheij he!" Gou doiq daxmeh ngamq haeuj ranz haenx naeuz. "Gijmaz gingheij?" Daxmeh gig ngeiz. Gou gangj gij saeh gou dwk dienhvah haenx hawj daxmeh nyi, daxmeh sikhaek cam: "Mwngz dwk geij bae?" Gou wzvz azaz naeuz: "Dwk cibgeij bae....." "Ai, gingheij couh dwg ranz raeuz wnggai gyau bit cienzdienhvah hung he lo." Daxmeh naeuz.

Ngoenz daihngaih, daxboh caz mbat he, dai lo, gou dwk gij dienhvah haenx itgungh 328 maenz!

(ngeih nienzgaep Ouhyangz Siuhbingz)